

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TISA

KIKAO CHA SABA

15 NOVEMBA, 2017



ORODHA YA SHUGHULI ZA LEO

MKUTANO WA TISA

KIKAO CHA SABA – TAREHE 15 NOVEMBA, 2017

I. DUA:

II. HATI ZA KUWASILISHA MEZANI:

MWANASHERIA MKUU WA SERIKALI:

Maelezo ya Mwanasheria Mkuu wa Serikali kuhusu Muswada wa Sheria ya Marekebisho ya Sheria Mbalimbali (Na.4) wa Mwaka 2017 [*The Written Laws (Miscellaneous Amendments) (No.4) Bill, 2017*].

MWENYEKITI WA KAMATI YA KATIBA NA SHERIA:

Maoni ya Kamati ya Katiba na Sheria kuhusu Muswada wa Sheria ya Marekebisho ya Sheria Mbalimbali (Na.4) wa Mwaka 2017 [*The Written Laws (Miscellaneous Amendments) (No.4) Bill, 2017*].

MSEMAJI MKUU WA KAMBI RASMI YA UPINZANI WA WIZARA YA KATIBA NA SHERIA:

Maoni ya Msemaji Mkuu wa Kambi Rasmi ya Upinzani wa Wizara ya Katiba na Sheria kuhusu Muswada wa Sheria ya Marekebisho ya Sheria Mbalimbali (Na.4) wa

Mwaka 2017 [*The Written Laws (Miscellaneous Amendments) (No.4) Bill, 2017*].

III. MASWALI:

OFISI YA WAZIRI MKUU:

82. MHESHIMIWA AISHAROSE NDOGHOLI MATTEMBE (VITI MAALUM):

Atamuuliza Mheshimiwa Waziri Mkuu:- Vijana wengi wa Mkoa wa Singida wamejikita katika shughuli za ujasiriamali ili kuondokana na umaskini lakini wanakosa mbinu za kitaalam za kuwawezesha kupiga hatua kubwa kimaendeleo kupitia kazi wanazofanya:-

Je, Serikali ina mpango gani wa kuwapatia mbinu endelevu, zana za kisasa pamoja na mitaji ili kuwawezesha kufanya kazi zao kwa ufanisi.

OFISI YA RAIS (TAMISEMI):

83. MHESHIMIWA STANSLAUS SHING'OMA MABULA (NYAMAGANA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Rais wa Awamu ya Nne alipofanya ziara katika Hospitali ya Wilaya Nyamagana mwaka 2014 aliahidi kuipatia X-ray:-

Je, ni lini Serikali itatekeleza ahadi hiyo ya Rais hasa ikizingatiwa kuwa Hospitali hiyo kwa sasa haina kifaa hata kimoja katika Kitengo cha Mionzi.

**84. MHESHIMIWA JACQUELINE NGONYANI
MSONGOZI (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wakati Rais akiwa katika kampeni aliahidi kuwa ataondoa Ushuru na Kodi ndogo ndogo zinazoleta usumbufu kwa Wajasiriamali wadogo wadogo kama vile Machinga, Wachuuzi wa mbogamboga na matunda, Mamalishe, Waendesha bodaboda n.k. lakini mpaka sasa ahadi hiyo haijatekelezwa:-

Je, ni lini Serikali itatekeleza ahadi hiyo.

**85. MHESHIMIWA LAMECK OKAMBO AIRO
(RORYA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wakati Rais akiwa kwenye ziara Wilayani Rorya aliahidi ujenzi wa daraja la Mto Mori linalounganisha Tarafa ya Suba Luoimbo na Nyancha; lakini kwenye bajeti ya mwaka 2016/2017 ujenzi wa daraja hilo haukuwepo:-

Je, Serikali ina mkakati gani wa kujenga daraja hilo ili kutimiza ahadi ya Mhe. Rais.

OFISI YA MAKAMU WA RAIS (MUUNGANO NA MAZINGIRA):

86. MHESHIMIWA DKT. IMMACULATE SWARE SEMESI (VITI MAALUM):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Suala la mabadiliko ya tabianchi ni mtambuka na linagusa sekta mbalimbali za kiuchumi na kijamii:-

(a) Je, ni Mashirika ya Umma mangapi yamepokea ruzuku kutoka Wizara/ Idara au kwa Wafadhili katika kipindi cha miaka mitano iliyopita;

(b) Je, nini madhumuni ya ruzuku hizo.

87. MHESHIMIWA JANET ZEBEDAYO MBENE (ILEJE):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Mto Songwe umekuwa ukihama hama kwa sababu ya mabadiliko ya tabia nchi huku ukiharibu rasilimali za Wakazi wanaoishi karibu na Mto huo na kingo zake kutokana na mafuriko:-

Je, Serikali ina mkakati gani wa kudumu kudhibiti uharibifu huo.

WIZARA YA FEDHA NA MIPANGO:

88. MHESHIMIWA RUKIA KASSIM AHMED (VITI MAALUM):

Atamuuliza Mheshimiwa Waziri wa Fedha na Mipango:- Benki Kuu ya Tanzania (BOT) imeifutia *The Federal Bank of the Middle East* (FBME) leseni yake ya kufanya shughuli za kibenki na kuiweka chini ya ufilisi na kuiteua Bodi ya Bima ya Amana kama Mfilisi kuanzia tarehe 8/5/2017:-

Je, ni nini hatma ya Wateja ambao waliweka fedha zao katika Benki hiyo.

WIZARA YA MIFUGO NA UVUVI:

89. MHESHIMIWA JOSEPH MICHAEL MKUNDI (UKEREWE):

Atamuuliza Mheshimiwa Waziri wa Mifugo na Uvuvi:- Serikali imeondoa tozo mbalimbali zilizokuwa kero kwa Wananchi katika Sekta ya Uvuvi lakini bado kuna mkanganyiko ni tozo zipi zimefutwa na zipi zinaendelea:-

- (a) Je, Serikali inaweza kuainisha aina ya tozo zilizoondolewa katika Sekta ya Uvuvi;
- (b) Je, ni lini Serikali itatoa mwongozo kwa Watendaji wa Halmashauri juu ya mabadiliko hayo.

**90. MHESHIMIWA MARIA NDILLA KANGOYE
(VITI MAALUM):**

Atamuuliza Mheshimiwa Waziri wa Mifugo na Uvuvi:- Serikali kupitia Ilani ya CCM ya 2015 -2020, ahadi namba 25 (d) iliwaahidi Vijana wafugaji kuwa itatoa dhamana ya mikopo kwenye Asasi za Fedha:-

- (a) Je, Serikali imeandaa mkakati gani wa kuwawezesha Vijana wafugaji kuunda Vyama vya Ushirika ili waweze kunufaika na ahadi hiyo ya CCM;
- (b) Je, Serikali inayo orodha ya vikundi vya Vijana wafugaji ambao wamejiunga na Vyama vya Ushirika ambao wameweza kunufaika na utaratibu wowote ulioandaliwa na Serikali.

**91. MHESHIMIWA ALEX RAPHAEL GASHAZA
(NGARA):**

Atamuuliza Mheshimiwa Waziri wa Mifugo na Uvuvi:- Jimbo la Ngara lina mifugo mingi hususan ng'ombe na mbuzi lakini kuna tatizo kubwa la maeneo ya kunyweshea mifugo kwa maana ya marambo/mabwawa kwa ajili ya kunyweshea mifugo:-

Je, ni lini Serikali itanza uchimbaji na ujenzi wa marambo/mabwawa kwa ajili ya kunyweshea mifugo.

WIZARA YA ELIMU, SAYANSI NA TEKNOLOJIA:

92. MHESHIMIWA JOHN PETER KADUTU (ULYANKULU):

Atamuuliza Mheshimiwa Waziri wa Elimu, Sayansi na Teknolojia:- Miaka mingi iliyopita Serikali iliwahi kuzichukua Hospitali, Shule na huduma nyingine nyingi kutoka katika Mashirika ya Dini na baadaye Serikali ilizirudisha huduma hizo kwa wamiliki wake; Kanisa la Moravian Tabora lilikuwa na eneo la VETA, lakini Serikali haikulirudisha eneo hilo kwa Kanisa:-

- (a) Je, ni lini Serikali itarudisha eneo hilo kwa wamiliki wake;
- (b) Je, Serikali ipo tayari kulipa fidia kwa kuwa na eneo ambalo siyo lake.

WIZARA YA ULINZI NA JESHI LA KUJENGA TAIFA:

93. MHESHIMIWA SILAFU JUMBE MAUFI (VITI MAALUM):

Atamuuliza Mheshimiwa Waziri wa Ulinzi na Jeshi la Kujenga Taifa:- Serikali imerejesha utaratibu wa mafunzo ya JKT nchini:-

Je, ni lini Kambi ya JKT ya Luwa Mkoani Rukwa itafufuliwa ili kuandaa Vijana wetu.

WIZARA YA MADINI:

94. MHESHIMIWA TAUHIDA CASSIAN NYIMBO (VITI MAALUM):

Atamuuliza Mheshimiwa Waziri wa Madini:- Kuna taarifa zilizotolewa na Wizara ya Madini za kugunduliwa kwa Gesi ya Helium yenye ujazo wa takribani futi bilioni 54 za ujazo nchini:-

Je, Serikali imejiandaaje kimkakati kuhusu ugunduzi huo na uchimbaji wa gesi hiyo hasa ikizingatiwa kuwa Mataifa makubwa kama Marekani ilishatangaza kukosekana kwa gesi hiyo ifikapo 2030.

WIZARA YA VIWANDA, BIASHARA NA UWEKEZAJI:

95. MHESHIMIWA BALOZI DKT. DIODORUS BUBERWA KAMALA (NKENGE):


Atamuuliza Mheshimiwa Waziri wa Viwanda, Biashara na Uwekezaji:- Kupitia Vikao vya Jumuiya ya Afrika Mashariki, mwaka 2015 Serikali ya Kenya iliruhusiwa na Jumuiya hiyo kuuza ndani ya nchi hiyo bila kutozwa kodi bidhaa za Ngozi na Nguo zinazozalishwa nchini humo kwenye maeneo huru ya uwekezaji “*Export Processing Zones*”:-

Je, ni sababu zipi za msingi zilizotumika kufanya uamuzi huo.

VI. MISWADA YA SHERIA YA SERIKALI:

(Kusomwa Mara ya Pili, Kamati ya Bunge Zima na Kusomwa Mara ya Tatu)

Muswada wa Sheria ya Marekebisho ya Sheria Mbalimbali (Na.4) wa Mwaka 2017 [*The Written Laws (Miscellaneous Amendments) (No.4) Bill, 2017*].



**DODOMA
15 NOVEMBA, 2017**

**S.N. KAGAIGAI
KATIBU WA BUNGE**